



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Maurittii Gudeni Historia Erfurtensis Ab Vrbe
Condita Ad Reductam**

Gudenus, Johann Moritz von

Erfurti, 1675

XXXIX.

urn:nbn:de:hbz:466:1-11903

qui Cyriaciburgo præerat, hunc gubernatorem putat, & stricto gladio transfodit; concitato statim cursu cohortis equestris centurionem non procul stantem simili facinore occidit; fit concursus, milites se proditos suspicati ad arma circumspiciunt. Sed non impiger scelestus tertium homicidium perpetrat, usque dum multitudine circumveniretur, ille audacter contra multos se defendit: protraxit certamen, quod vivum capere vellent, ut atrociori mortiservaretur, & conspirationis socii exprimerentur: tandem captus ad Cyriaciburgum deductus est, ibi variis tormentorum generibus motiva facinoris, & auctores, sed frustra petebantur, quod ille mandato Dei constanter adscriberet, qui turpis licentiæ milites de ira sua mone-rijusserit. Homicida in locis delictorum forcipibus candentibus laceratus, postea in quatuor partes sectus, quos cruciatus constanter, ut ne in cantu quidem turbaretur, pertulit.

* Antiquissima Comitum de Gleichen familia in Henrico deficit, ut solet, non sine lite. Moguntinus Comitatum Archiepiscopatus sui feudum, extinctâ familiâ apertum vindicat, eumque Comiti Hatzfeldio Melchiori, Cæsarei Exercitus Duci, & Hermannio fratri confert. Saxones, ac Schwarzenburgici Comites castrum ipsum cum appertinentibus Moguntinum esse feudum non inficiabantur,

MDCLXIV.
XXXIX
Familia Comitum de Gleichen deficit.

at dominia reliqua vel beneficia Saxonica vel allodia esse, illa dominis, hæc Schwarzenburgicis ex parte deberi, Blanckenhain Moguntinum quidem feudum sed foemininum filiaë ultimi Comitis, & hæredi adimi non posse. Urbs hæc, ejusque Cives frequentissima feuda à Comitibus illis hæreditaria jam antiquitus possedere, timuit illa, cum Saxones, & Schwarzenburgici allodia Comitum in feuda masculina vertissent, ne suis hoc beneficiis præjudicio esset. Senatus missis ad illos Nunciis declarationem impetrat, pacta ista non feudorum Erfurtensium utile, sed directum duntaxat Dominium affectura: ubi reliquæ lites sopitæ, alibi dicam.

XXXX.

Non abs re erit, priusquam ipsa Civitatis fata narrem, ruentis Reip. non tam morbos, illos enim ex erroribus prudens lector advertet, quam faciem, gubernationis modum, vires, studia recensere. Facta narrabo, non jura decidam. † Amplissima Urbs armis & pecuniâ Dominium suum latè per Thuringiam auxerat, † oppida, arces, Comitatus absoluta Civitatis Imperia suspexere, nullæ ruricolis libertates, nullæ Imperiorum leges. Moguntinus & Saxones, interdum his potestatibus oblocuti, sed ipsum Imperii Exercitium penes Senatum mansit. Huic † in Urbe non eadem auctoritas, sed multum per Electoris ministros humiliata. † Vicedominus, Prætor, Asses-

Senatus politicus Civitatis.

Potestas Senatûs in pagos.

In urbe v. a. Frictior. Imperiû Moguntinum.

Asses-